



MUSEUM COLONIENSIS

PRÆFATIO.

*E*orum, quæ in alma, & perantiqua Universitate Coloniensi de Jure delibavi, tenue specimen daturus, ut Themidi Academicæ me devoverem, argumentum mihi selegi de Collatione Bonorum, insignis quidem difficultatis, viridis tamen observantiæ, & quotidiani usûs: in quo versando, etiamsi ardua res sit, dare obsoletis nitorem, dubiis fidem, suamque omnibus naturam; mihi tamen hæc assequi voluisse sat erit, ut ingenium meum hac juventutis meæ exercitatione, seposito placendi studio, ad utilia præparem. Virorum doctissimorum, qui singulari curâ suâ viam patefecerunt, judicia memoro: tantum, ut ne etiam sine ratione eorum valeat auctoritas, præcaveo. Disquiram autem eo diligentius, quo majoribus diversarum opinionum involucris materiam innexam video. Quid de Jure veteri obtinuerit in ea, quid deinceps Jure novo, duobus dabo Capitibus: methodo, quâ utor, per requisita: neque mole fatigem, ea, quæ in omnigeno Jure cum hac materia arcto nexu colligantur, in Corollariis exhibebo.

CAPUT